



138/26
13-01-2026
AKIR

JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-568-1-4.1./2026
Datum: 15.01.2026.godine
Mjesto: Sarajevo

Na osnovu člana 70. stav (4), a u vezi sa članom 69. stav (2) tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine FBiH", broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine i Zapisnika o pregledu i ocjeni ponuda sa preporukom Komisije broj: 21173-1-1/2025 od 12.01.2026. godine, Uprava Društva na 83. sjednici, održanoj dana 15.01.2026.godine, donijela je:

ODLUKU
o poništenju postupka nabavke

I

Poništava se postupak putem konkurentskog zahtjeva za dostavu ponuda za javnu nabavku roba – Nabavka reznog alata – noževa za potrebe radionica Željeznica FBiH, tender broj: UD-21173-1/2025.

II

Postupak se poništava na osnovu člana 69. stav (1) tačka d) Zakona o javnim nabavkama, jer nijedna od primljenih ponuda nije prihvatljiva.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-21086-1-4.1./2025 od 20.11.2025. godine odobrila pokretanje postupka putem konkurentskog zahtjeva za dostavu ponuda za javnu nabavku roba – Nabavka reznog alata – noževa za potrebe radionica Željeznica FBiH, tender broj: UD-21173-1/2025. Procijenjena vrijednost javne nabavke iznosi 37.000,00 KM (bez PDV-a).

Rješenjem VD Predsjednika Uprave - Generalnog direktora broj: 1-21532-1/2025 od 24.11.2025. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Amir Lukovac – predsjedavajući, Mirza Šahman – član i Elvedin Smajić – član. Sekretar Komisije je Anida Tahmišćija Macić.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Obavještenje o nabavci je objavljeno na portalu javnih nabavki dana 08.12.2025. godine, broj obavještenja: 1050-7-1-220-3-159/25. Sažetak Obavještenja o nabavci je objavljen u "Sl. glasniku BiH" broj: 74, od 12.12.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24), (u daljem tekstu: Zakon), Komisija je dana 22.12.2025. godine u 11:30 sati, izvršila javno otvaranje ponuda, bez prisustva predstavnika ponuđača. Do roka određenog za prijem ponuda, blagovremeno su pristigle 2 (dvije) ponude i to:

1. Ponuda ponuđača **ALAT BH d.o.o. Sarajevo** koji je ponudio sljedeće:
Cijena: 31.484,00 KM (bez PDV-a), odnosno 36.836,28 KM (sa PDV-om),
Uslovi i način plaćanja: 60 dana od dana uredno ispostavljene fakture za isporučenu robu,
Rok izvršenja: 30 dana od dana ispostavljanja narudžbenice od strane Ugovornog organa.
2. Ponuda ponuđača **INTER-COM d.o.o. Zenica** koji je ponudio sljedeće:
Cijena: 35.276,70 KM (bez PDV-a), odnosno 41.273,74 KM (sa PDV-om),
Uslovi i način plaćanja: 60 dana od dana uredno ispostavljene fakture za isporučenu robu,
Rok izvršenja: 6 dana od dana ispostavljanja narudžbenice od strane Ugovornog organa.

Komisija je pristupila pregledu i ocjeni pristiglih ponuda, te konstatuje sljedeće:

Ponuda ponuđača ALAT BH d.o.o. Sarajevo je ocijenjena kao neprihvatljiva u skladu sa članom 2. stav (1) tačka l) pod 2) Zakona iz sljedećih razloga:

1. U pismu ponude na strani 87, nije naveden predmet nabavke niti cijena ponude, kako je definisano tačkom 2.1. tenderske dokumentacije.

2. U skladu sa članom 45. stav (1) tačke a) Zakona o javnim nabavkama Bosne i Hercegovine, iz Uvjerenja Suda BiH broj: SU:03-13121/25 od 15.12.2025. godine, strana 63 dostavljene ponude nije moguće utvrditi da ponuđač ispunjava obavezne kvalifikacione uslove propisanom tačkom 2.2.3. pod a) tenderskom dokumentacijom, i to:

- da nije pravosnažno osuđen za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan.

3. Ponuda, iako čvrsto uvezana, numerisana i potpisana u skladu sa tačkom 4.6. tenderske dokumentacije, nije osigurana jemstvenikom na način propisan tenderskom dokumentacijom, s obzirom na to da na naljepnici jemstvenika nije otisnut pečat ponuđača.

4. U Obrascu za cijenu ponude, pod rednim brojem 8, ponuđena je pločica za čeo no ravnjanje oznake CNMG 190608E-RT:9415, koja nije u skladu sa tehničkom specifikacijom, kojom je zahtijevana pločica oznake CNMG 190612 P20.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda ponuđača INTER-COM d.o.o. Zenica je ocijenjena kao neprihvatljiva u skladu sa članom 2. stav (1) tačka l) pod 2) Zakona iz sljedećih razloga:

1. U dostavljenoj Referenc listi nisu navedeni mjesto i vrijeme izvršenja ugovora kako je traženo tačkom 2.5.2. tenderske dokumentacije.

2. Potvrda o urednom izvršenju ugovora broj: 02-43-2-4646-1/25 od 02.04.2025. godine, na strani broj 29 dostavljene ponude, iz navoda o izvršenju ugovora zaključeno je da se predmetni ugovor realizovao sa zakašnjenjem.

3. Ponuđene pločice oznake LNMX (pozicija 1), kao ni pripadajući držači alata (pozicije 2 i 3), vijak (pozicija 4) i ključ (pozicija 5), nisu tehnički ekvivalentni traženim pločicama LNUX, niti pripadajućim držačima, vijcima i ključevima propisanim tehničkom specifikacijom. Kako ponuđene pločice nisu tehnički ekvivalentne traženim, proizlazi da ni pripadajući držači alata, vijci i ključevi ne mogu ispunjavati tehničke zahtjeve, jer nisu namijenjeni za rad sa traženim tipom pločica.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Komisija konstatuje da nisu ispunjeni zakonski uslovi za nastavak postupka nabavke i zaključenje ugovora o javnoj nabavci roba – Nabavka reznog alata – noževa za potrebe radionica Željeznica FBiH, tender broj: UD-21173-1/2025, te u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u *Upravi Društva* za donošenje Odluke o poništenju predmetnog postupka javne nabavke, a u skladu sa članom 69. stav (2) pod d) Zakona, jer nijedna od primljenih ponuda nije prihvatljiva.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 5 (pet) dana od dana prijema, a u skladu sa članom 99. i 101. Zakona o javnim nabavkama.

Dostaviti:

- Željeznički operator,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđačima x2,
- Uz Zapisnik,
- a/a.

VD Predsjednika Uprave – Generalnog direktora

Mirza Hadžibegić, dipl.ecc.

